

1.0. UVODNI DIO I ZNAČAJ RAČUNOVODSTVA

Osnovna je pretpostavka funkcionisanja bilo kojeg privrednog subjekta da menadžment pravovremeno raspolaže relevantnim informacijama o događajima u preduzeću i izvan njega koji utiču, ili mogu uticati, na njeno funkcionisanje.

Raspolaganje relevantnim informacijama je od posebne važnosti za preduzeće s obzirom na veoma brz tehnički, ekonomski i društveni razvitak koji sa sobom donosi neprekidno mjerenje uslova poslovanja i odnosa njenom okolinom. Istovremeno taj razvitak uzrokuje rastuću složenost strukture privrednih institucija. Takva situacija postavlja sve veće i sve teže probleme pred organe upravljanja. Za donošenje optimalnih odluka potrebne su kvalitetne informacije koje trebaju omogućiti rješenje problema. Računovodstvo je od svog postanka bilo izvor najvećeg dijela podataka potrebnih za donošenje odluka u preduzećima. Uvođenjem privrednog sistema na tržišni način poslovanja uvjetovala je korjenite promjene u zakonskom uređivanju poslovanja preduzeća i svih privrednih subjekata. Ova okolnost donijela je i novi pristup sa stajališta uspješnog menadžmenta. U savremenim tržišnom privrednom sistemu relevantno je:

- da propisi budu jasni, razumljivi i pregledni,
- da sadrže pravne i poslovne standarde prihvaćene u razvijenim zemljama tržišne ekonomije,
- da se pravno poslovna regulativa svede na razumnu mjeru, tj. da propisa ne bude previše, ali da se dosljedno primjenjuju,
- da propisi budu rasterećeni nepotrebnih sadržaja i da se ista pitanja ne utvrđuju na više mjesta.

Računovodstvo je potrebno za interne i eksterne potrebe. Interno računovodstvo ili menadžment računovodstvo zadovoljava potrebama organa upravljanja, a eksterno ili finansijsko računovodstvo služi za obračune obaveza prema kupcima, dobavljačima i državnim institucijama.

U ovome radu obrađene i analizirane su sve funkcije računovodstva koje se primjenjuju u poslovnoj praksi preduzeća.